



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

22. Dies Octobris. Discas non diligere, ut discas diligere.

urn:nbn:de:hbz:466:1-45477

non est suus; ille laudabilior, qui sordidior, ille
 gratior, qui sibi nequior. Dum audis talem vo-
 cam, adhuc geris illi morem? Quidni hic excla-
 mam:

Heu stolidas mentes! pereunt peritura sequentes.

22. DIES OCTOBRIS.

Dicas non diligere, ut discas diligere. S. Augustinus
 conc. 3. in Psal 30.

Magni odium, I. Magna est ars verè bona non
 negligere, major meliora
 Amoris Di- diligere, maxima optima
 Tyrocinium. **M** Magna est ars verè bona non
 negligere, major meliora
 diligere. Quidquid diligis præter unum, aut prop-
 ter unum, malè à te diligitur. Hinc ut discas diligere
 Deum, prius discas non diligere, quæ non sunt
 Dei. Benè Fulgentius: (a) Amor cum periculo sæpè con-
 cordat, & dum ad illud solum notat quod diligit, nun-
 quam videt; quod expedit. Dedisce igitur amare, quod
 amatum tibi non expedit, quia tibi amanti nocet,
 dum à salute impedit. Deinde disce ea non diligere,
 quæ possessa, erunt possidentium, vel ne pereant
 periculum, vel ut pereant exitium. Quia si diligis di-
 vitias, & eas possides non tam possides tu divitias,
 quam possidearis à divitiis. Ideò solerter monet Sal-
 viauus: (b) Refugienda est ampla possessio, ne consequa-
 tur profunda perditio, Diligis aliquid ut possideas, &
 ecce si possideas, jam periculum est ne pereas. Ita-
 que si illa quæ non sunt Dei, amas, jam tibi per-
 eundi periculum creas. Vide ergò cui impendas
 tuum amorem. Duo sunt, quorum alter trum
 quem

Ggg 4

(a) Mythol. 2. (b) Salvian. ad Eccles. l. 2.

quem diligas, necesse est eligas; Deus, Mundus, duo sunt Domini, ut nemo duobus Dominis possit servire, sic nec diligere. Deus est Dominus; hunc ames, faciet te tui, & rerum omnium Dominum; mundum ames, faciet te suum, imò tui maritimum.

II. Utrique servierat, & suum amorem conseraverat D. Romualdus; sed quod fuerit inter utrumque discrimen, testari voluit ultimis suis verbis; ultimum exhalans spiritum; sic enim ipse. (a) *Vixi centum annis in Religione, viginti in mundo. O quam sunt illi breves, felices, jucundi! quam hi longi, miseri, importuni!* Quid opportunius ad inculcandum amorem Dei, odium mundi? cum Dei obsequium licet per centum annos illi impensum, ob jucunditatem sit quasi momentaneum, obsequii premium sit perpetuum. Audivisti verba morientis Monachi in humili asceterio, placet audire Pontificis in sublimi fastigio? Paulus, IV. summus Pontifex hanc auro dignam protulit sententiam, cum jam ageret animam. (b) *Octoginta quatuor anni vita mea, & quatuor anni papatus mei, & quatuor momenta videntur mihi equalia. O quam brevis est vita! quam longa aternitas! & nemo cogitat.* Nunquid vel angustiae temporis deberent te dedocere amorem temporalium? Esto, fruire solus toto mundo, & omnibus quae sunt mundi, quid hoc est, cum tempus etiam ad plurima saecula propagatum, quo potes frui, sit instar puncti? Quod ubi effluxit, privaris mundo, & omnibus quae sunt mundi, & simul Deo, & omnibus quae sunt Dei,

[a] In vita, [b] In vita.

Octob. Octob. Dei. Unum mirabatur Philippus Neri, quod homines animales, & qui non sapiunt, quæ sunt Dei, potius mirabuntur eum mirari. Audi & stupe: Fierine potest, ut homo credens in Deum possit amare aliud quam Deum? Philippe, qui videt in cælis Patrem, non miratur hanc tuam in terris vocem? Vis Philippe audire ex me vocem digniorem admiratione, imò dignissimam omnium contemplatione? Accipe. Fierine potest, ut homo credens in Deum, possit amare omnia alia præter Deum?

III. Quid homini est vilis, quàm quod est pretiosissimum, Deus? Quid illi pretiosius, quàm quod est vilissimum, mundus? O verè! nimis est vilis cui Deus viluit. Pluris æstimabimus rei cujuscunque humillimæ lucrum, quàm, qui præ omni lucro est inæstimabilis, Deum. An non sumus maximè contempribiles, qui sic maximi facimus contempribilia? De hâc insaniâ, vel potius malitiâ, his verbis conqueritur magnus Augustinus. [a] Dico breviter homini avaro, invocas Deum? Quare invocas Deum? Ut det tibi lucrum. Lucrum ergo invocas, non Deum, quia hoc lucrum quod concupiscis, non potes habere per servum tuum, non potes habere per colonum tuum, per clientem tuum, per satellitem tuum. Invocas Deum, ministrum lucri tui facis Deum. Viluit tibi Deus, Vis invocare Deum? Gratis invoca. Avare, an parum est tibi, si te impleat ipse Deus? Deus si ad te veniat, sine auro, & argento, non vis illum. Quid ergò de his, quæ fecit Deus, sufficit, cui Deus ipse non sufficit? O aliam mentem inhiibe; vilescat tibi totum, quidquid est præter Deum. Non potest ille vilescere; cui cætera

G g g s

præter

[a] In Psal. 30.

præter ipsum sunt vilia. Disce ergò non diligere hæc vilia, futilia, iutilia, ut discas diligere Deum petis si adhæres perituris. Res hæc est in confesso, & testante Poeta, hoc pronuntiatio:

Illivita perit, quisquis pereuntia querit.

23. DIES OCTOB.

Amarus est mundus, & diligitur. Puta si dulcis esset, Qualiter amaretur. S. Augustinus de temp. III.

Mundi miseria, I.
Divini amoris
sunt illecebræ.

Pergimus persequi mundum, ut sequamur Deum; illius inculcare odium, & omne ejus calcare choragium, ut præ omnibus æstimemus Dei amorem, & honorem; Sic nobis sapiet instar nardi, illa sententia D. Bernardi. *Ea sequi desine, quæ esse æstimat miserum est.* Dic mihi quisquis hæc legis. Cùm in mundo sis natus, in mundo vivas, in mundo sis educatus, cùm mundum ames, usque ad odium tui, mundo servias usque ad sudorem vultus, mundum sequaris usque ad tædium cordis, mundo credas usque ad cæcitatem mentis, quid aliud expectas post omnia tua obsequia à mundo, quàm mundana? Hoc est honoris umbras, gloriæ bullas, voluptatis quilibet, porcorum siliquas; puerorum apinas, fabularum affanias, verbo, ipsissimam vanitatem vanitatum, hoc est, Nihil. Et necdum nihili facis, à quo nihil est quod expectes, præter Nihil? An solus carnem sine ossibus emere, nucis nucleum sine cortice edere, cum hoste sine periculo manum conferere, iter prolixum sine fatigatione conficere, mare sine metu naufragii transmittere cupis? cùm fieri nequeat, quendam in mundo mor-